

محمد الفلكي

أكبر وهم

محمد عبد السلام محمد عطية

الطبعة الأولى 2017

بطاقة الكتاب

عنوان المؤلف : أكبر وهم
المؤلف : محمد عبد السلام محمد عطية (محمد الفلكي)
التصنيف : أشعار بالعامية المصرية
رقم الإيداع : 20777 - 2017
عدد الصفحات : 100 صفحة
رقم الإصدار : 43
تاريخ الإصدار : الطبعة الأولى أكتوبر 2017
تصميم الغلاف والتنسيق : دار النيل والفرات للنشر والتوزيع

جميع حقوق الطبع والنشر محفوظة للشاعر، ولا يحق لأى دار نشر
طبع ونشر وتوزيع الكتاب الا بموافقة كتابية وموثقة من الشاعر

دار النيل والفرات للنشر والتوزيع

ثورة مصرية تشرق إبداعا على الوطن العربي

رئيس مجلس الإدارة

ناجى عبد المنعم



دار
النيل والفرات
للنشر والتوزيع
أسسها الشاعر ناجى عبد المنعم
عام 2014

رخصة مزاولة مهنة: 58365 - سجل تجاري: - 13242 / 2017 - بطاقة ضريبية: 01-35-572

عضو عامل باتحاد الناشرين المصريين رقم 941 لسنة 2018

هاتف: 01011256943 - 01116202218 - 01202541192 تليفاكس: 020554372901

   [alnilwaalfourat](https://www.facebook.com/alnilwaalfourat)  alnilwaalfourat@gmail.com

المقر الرئيسي: ج.م.ع محافظة الشرقية - العاشر من رمضان - مجاورة 13 - أمام سنتر الـ 13 - عقار 304

رؤية الناشر

محمد الفلكي شاعر طيب القلب رقيق الإحساس بَيَدَ أنه
متمرد بطبعه ، ورغم تمرده على تابوهات شكل النص
وخصائصه لغة وموسيقى . إلا أنه يبحث دائما عن
الحقيقة والتواجد المنتمي للوطن دائما فيصدر دفقاته
الشعرية والشعورية بشكل راق يدل على هويته دائما
ويسعى مجددا إلى احتلال مكانة ما على حائط المشهد
الإبداعي .. واليوم يصدر ديوانه الأول ليكون أول
سلمة يصعد لها لتحقيق حلم شاعر جاد

الشاعر ناجي عبد المنعم

رئيس مجلس إدارة

دار النيل والفرات للنشر والتوزيع

الإهداء

إلى الشاعر السيد داوود

عضو اتحاد كتاب مصر

ومؤسس جمعية صالون الأدباء العرب بالشرقية

يشرفنى أن تكون باكورة أشعارى بين يديك
حبا وكرامة

الشاعر

محمد الفلكى

أخيرا عرفت

أخيرا عرفت
انك مش ليه
بعد ما اتاكدت
من غدرك فيه
خداعك وقسوتك
كانت كبيره عليه
روح منك لله
مش فارقہ معايا الحياه
لا انا عايش ولا ميت
سبني في حالي وللاه
دا اللي عملته هتلقاه
وتجرب م اللي فيه

وفي يوم من الأيام
هتندم وتجيلى تاني
وهتعرف ان الاحلام
معايا وفي زمانى

أكبر وهم

خلاص انا فقت

وصحيت م الحلم

لما عرفت لما فهمت

ان حبك ليه كان اكبر وهم

.....

بقيت كدا عادي

انت بالنسبة لي

ولما اشوفك قصادي

لا أجري عليك ولا اهتم

.....

موت أحسائي فيه
نهيت بأديك عليه
خلاص معدشي ليه
ابدا حد
كنت الدنيا ديه
حياتي ونور عنيه
قلبك ما حسش بيه
ولا عمره صان العهد

.....

وفر دموع عنيك
مبقاش لايك عليك
دور المحتار
بتبكي م اللي فيك
دا عملك وترد ليك
وحدك اخدت القرار

الام انا عشتها
ايام خدت وقتها
سامحني غصب عني
ارجعلي بقي
مستني يوم تجيني
تشوفك مره عيني
وحشني يا حته مني
مشتاق للحظة لقي
.....

كنت عايزك ليه وحدي
حببتك دا كل ذمبي
فكرتك عايش عشاني
بس احساسني خني
خلاص معدشي فيه

غير نار ودموع غنيه

بموت انا الف مره

مستنيه وحدي هنا

.....

بقي دي اخرتها خلاص

يكون دا تمن الاخلاص

قلبي ارتمي وانداس

حبي هان وانتهى

آلام عشتها

الدمع فى عنينا

والحزن فى قلوبنا

ولا حد حاسس بينا

فى المنا وعذبنا

.....

والله صعبان علينا

كل دا يجرى لنا

كتير ومش باديننا

دا حكم قدرنا

.....

اديننا كل حاجة

ووهبنا العمر ليهم

حيننا بكل ما فينا

والحب هان عليهم

.....

كنا فاكرين انهم

الجنة بس فى قربهم

اتارى الغدر طبعهم

والكذب بيجرى فى دمهم

.....

عشنا علشانهم هم بس

والقلب بغيرهم

عمرة ما حس

كانوا الهوى كانوا الحياة

كانوا الدواء وطوق النجاة

وكل شئ لنا

انسحبت من حياتك

انسحبت من حياتك

لأنها حياتك

وما بقتشى أنا فيها

كلمة اخير هقولها لك

ووفر كل كلامك

امشى وكمل حياتك

واختر لك حد ليها

.....

انا همشى خلاص واسيبك

مبقاش قلبى حبيبك
هعيش حياتى لوحدي
وعيش انت حياتك

.....

لا بعنى ولا بعتك
لا ظلمتنى ولا ظلمتك
لكن مات الاحساس
دا جرحى ودا جرحك
دا زمبى ودا زمبك
الحب ارتمى وانداس

.....

بادينا ضاع مننا
احلى سنين عمرنا
مقدرناش انت وانا

نحافظ على حبنا
ملمش حد غيرنا
فى المنا وانكسرنا
احنا الاتنين اختارنا
نبعد خلاص

إياك

إياك تأسى عليه
تجرحني تبكي عنيه
إياك في يوم تظلمني
يا حبيبي انت اللي ليه
وحدك في الدنيا دي
اللي مالكني وأسرنى

أيك تبغني في يوم
واسهر اعد النجوم

ليالاتي وكل يوم
والناس عليه تلوم
واعيش منك محروم
م العطف والحنية

إيه اللى فكرك

اية اللى فكرك

بية ورجعك

بعد السنين دية

جاء تسال عليه

وتقولى اعزرك

.....

بعدك مكنشى بأيدك

بعدك كان غصب عنك

وانى لسة حبيبك

وحبى بيجرى فى دمك

وعايزنى اصدقك

.....

لو بتحبني مكنتش بعيني

ولا عز عليك فراقى

ولا عز عليك بعاى

ومشيت وسبتنى

حتى قبل ما اودعك

.....

اية باقى ليك تانى

عندى يا انانى

ابعد عنى وروح

ما انت سبب الجروح

وانت سبب احزانى

.....

انا خلاص نسيك

وبقولك انسانى

مش هترجعنى ليك

تانی دموع عنیک
مهما تبکی وتتندم
وتتألم قدامی
دلوقتی خلاص
انا برفضک

بتوعد وتخلف

لو انا فارقة معاك

متعملشى فية كدا

طول عمرة بستناك

وانت ولا انت هنا

.....

مش كل مرة توعد وتخلف

مش كل مرة ترجعلى تحلف

وتقول غصب عنك

وتقول مش بايدك

كفاية انا مش حبيبك

متحملشى كل دا

.....

بتبعد وتغيب وبتبيع هوايا
بتعند وتسبب الخوف جوايا
لا مترجعشى لية تانى
واعيش لوحدى واعانى
وانا مقدرشى
متصورشى
اكمل عمرى
من غيرك ولو لثوانى

حبيبي .. إنت حبيبي

نفسى اضمك بين اديه
ياللى اسمك على لسانى
ياللى صورتك جوة عنية
وحبك دا مخلوق عشانى

.....

مليش غيرك فى الدنيا
وحياتى ملك اديك
بعشها ثانية بثانية
ووهبها بس ليك

.....

حبيبي أنت حبيبي

وكل الدنيا دية

حبيبي انت حبيبي

حياتي ونور عنيه

مليش غيرك حبيب

انت الدواء والطيب

وانت اللي ديمما قريب

وانت الهوى والميه

حياتك حر فيها

عايز تبعد ابعد

حياتك حر فيها

بس سبلى زكرى

اكمل عمرى عليها

.....

مش مرة واحدة كدا

تجرحنى بالشكل دا

ميتحملشى قلبى كل دا

.....

اخترت انت طريقك

امشى وكمل لوحديك

مبقاش قلبى حبيبك

سبتة لمين بعدك

.....

وفى يوم هتعرف مسيرك

مين ضحى ووقف جمبك

من عاش علشان يرضيك

ووهب عمرة ليك

خسرتة انت بعندك

.....

بكرا هتندم وترجع

ومش هيفيد الرجوع

دا اللى كان بيخضع

ليك طفى الشموع

اتحرر قلبى منك

خلاص مبقاش اسيرك

خائف أقول لك إنى بحبك

عايز اقولك انى بحبك
بس لسانى مطوعنيش
خائف مرة يكون قلبك
يبقى معيا وميشوفنيش

.....

يبقى ساعتها اعمل اية
بعدك انا مقدرشى عليه
خائف انا مش عارف لية
يمكن انت متعزورنيش

.....

وازاى هكمل وحدى
وعمرى كله ليك

وهبة بس علشانك
من غيرك ازاي هعيش

خليك فاكر

خليك فاكر
قبل ما تبعد
عني وتمشي
ان مالكشي
حبيب ترجعله
لان ساعتها
هيكون بعدك
خلاص موتني
ومش هيكون
ليه وجود
لما تعود
لنفس الدار

مش هتلاقي
غير احجار
عليه بتبكي
ليل ونهار
فمتندمشي لان معددشي
هنا احباب
كان قرارك
واختيارك
الزنب زنبك
م البدايه
عيش لوحداك
بنار قلبك
كمل طريقك
للهنايه

فى لحظة ضعف

فى لحظة ضعف منا

ضيعنا كل اللى بينا

بادينا واختيارنا

مشينا وافترقنا

.....

ملومشى حد غيرنا

فى المنا وانكسرنا

سبنا الشك يكبر فينا

وهونا على بعضينا

وبررنا ياما اعزرنا

.....

مش هنقيد الشموع

نوفر الدموع
ماتت حاجات جوانا
مش هيعوضها رجوع

.....

علينا الحب هان
خلاص مبقاش لينا
مع بعض تانى مكان
يجمعنا سوااااا

.....

الزنب زمبنا
والجرح جرحنا
باديك انت وانا
انتهينا من زمان

.....

لما عنيه بتيجى فى عنيك

لما عنيه بتيجى فى عنيك
بنسى الدنيا واحن اليك
بنسى الامى وإنسى أحزانى
لأنك حبيبى وبموت فيك

.....

بتروح الجروح
وترد فية الروح
تعال لى يا غالى نسينى إلامى
دانا مجروح وبشتاق اليك

.....

مش هقدر استغنى عنك
مش أقدر اكون لغيرك

انت منى وانا منك
وروحى وقلبى اسيرك

.....

ازاى تقدر تبیع
انا من غیرك اضع
مقدرشى اعیش لوحدى
ملیش غیر هواك
مین حبیب لقلبى
ملیش فى الكون سواك
متهونشى ثانیه علیه
وازاى اهون عليك

ماترجعنيش

مترجعنيش ل ماضي

عدي وعمر راح

متفتحلش في الام

وعذاب ودموع وجراح

مترجعنيش

متفكرنيش

وسبني اعيش ,,,,

علشان ارتاح

.....

خدت ايه منك

غير بس قسوة قلبك

وانا اللي ضاع عمري

كله علشان بحبك
هنت عليك وكان بأديك
دمع عيني ليل صباح

.....

لما تجيلي وهتكيلي
مش هتلاقيني زى ما كنت
جرحك ليه غير فيه
هنت عليه لما عليك انا هنت

,,,,,,,,,,,,,,,,,,,,,

مهما تقولو مهما تحكي
انت المسؤل كفر عن ذنبي
انا يا ما ضحيت وخلص
برئ انا من ذنبك

معاك كل الحنان

ضمنى حبنى

حسنى بالامان

عيشنى يا وحشنى

معاك كل الحنان

.....

عنيك تحضن عنية

اديك تلمس ادية

خدنى الى ابعد مكان

انا وانت

فى دنيا تانية

مفهاش حد غيرنا
لا قسوة ولا احزان

.....

الشوق ما بينا يذيد
نتولد من جديد
طايرين فى السما
مع بعض الايد فى الايد

.....

نعيش الفرحة كلة
نشرب من الحلو حلوة
شموع الحب تنور
لينا الزمان

ما عرفشى ليه ؟!

معرفةشى ليه

بينسانى ليه

قلبة بيقسى على قلبى ليه

معرفةشى ليه

بينسانى ليه

مبهونشى عليه

وبهون عليه

.....

حبة بيجرى

بيجرى فى دمي

مقدرشى يبعد
لحظة عنى
بحبة اكثر
من روحى بحبة
واتمنى اعيش العمر جمبه
بس اعمل لقلبة اية

من بعد أمك وأبوك

من بعد أبوك وامك
مافيش في الدنيا حد
راح يحمل همك
يصد عنك يرد
ألاخ بيصبح جار
ذيه ذي الغريب
حتي في نفس الدار
بقينا في زمان عجيب
.....
ليه هونا على بعضينا

يرحم زمان اللمه
قسينا او نسينا
حياتنا بقت زحمه
لاخال يعطف ولا عم
الكل ديما مشغول
حتي صلات الدم
مواسم مش ع طول

يا خسارة .. إني حبيتهم

يا خسارة ع اللي حبتهم
نسيوني وانا اللي فاكرهم
باعوني لية وشاريهم
وفى عيوني تملئ شايهم

.....

مش بندم
على اللي ضاع مني
ولا هسكى من
اللي راح تاني
وبقول للي ظلمني
ربي عمرة ماهينساني

.....

ودموعى بايدى هلملما
وجراحى وحدى هدويها
وحياتى خلاص هكلما
معدشى ليك مكان فيها

الشعر مشاعر

الشعر أحساس جوانا
بيترجم احزان وألم
في دائنا وفيه دوانا
دايس ع سن القلم

الشعر مش بس قصيده
وأحساس جوه شاعر
دا خيال جواه حقيقه
ومعناة صراع مشاعر

الشعر مشاعر
وكيان أنسان

وكأنه عابر
للأزمان
حروفه نبضه
سطره بيان
قلمه سلاحه
عناد إمكان
لسان حاله
للأوطان

فيه ناس

في ناس توهبها احساسك

وناس عايشه جوائك

وناس تكون لك حراسك

وناس تقسي وتتسأك

وناس تبكي عشائك

وتموت م الخوف عليك

وديما تلقىها قدامك

ماده اديها حاضنه اديك

وناس عايزه هلاكك

مستنيه تشمت فيك

عاملين انهم احبابك
وهما كل الغدر شايئينه ليك

وناس تخدع تغش
معاك بالف وش
وقلوبها مش صافيه
وناس تقضيها مش
اللي علي لسانها تدش
عايشنها بالعافيه
لكن الاصل فيهم
ووقت الشده تلاقىهم
واقفين باخلاص وياك
يهون الموت عليهم
كرامتهم كل ماليهم
علي الحلوه والمره معاك

ووقت الجد تلقي صاحب
في زمان عز فيه صاحب
الكل بيدور يصاحب
ال معاه تلقيه بيتصاحب

السعادة

السعادة في القناعة

والرضا بالقليل

السعادة في العبادة

وركعتين لله بالليل

السعادة مش كتر مال

ولا زياده في العيال

السعادة احساس جونا

لما تعمل كل خير

السعادة لما تقدم باديك

المساعده بحب للغير

السعادة تصفي روحك لربك

وتكون مرتاح الضمير

السعادة مش كلمه وبس تتقال
السعادة في الهنا براحة البال
السعادة ضحكه طفل بريئه
وتحسها وتكون وحقيقه
السعادة في الفرج بعد ضيقه
السعادة في لقمه حلال

إنّتي سبب وجودي

إنّتي سبب وجودي
في الاصل ياامي
وانا اللي عارف حدودي
مليش غيرك انتي
ربيتني واتحملتي
ما هو انتي عنواني

رد الجميل ليكي
مقدرشي اوفيه
عمري فدا ترابك
والروح تهون ليه
اعيش واموت عشائك

مانتي اللي وهباني

كل السعاده والفرح

والحب والحنيه

والخير تملي اللي تطرح

لولادي بعديه

وبتشيلي ديما عني

انا منك انتي مني

حب الوطن عباده

حب الوطن عباده
مذكور في الأديان
موجود فينا عادة
بالفطره في الانسان

حب الوطن امي
وابويا وخالي وعمي
حب الوطن اني
اضحي كمان وكمان

وطني مليش غيره
متربي من خير
واللي بيني وبينه

اصل ووجود وكيان

وطني مجد ورياده
سطر بداية الحضاره
واصبح رمز وعلامه
حتي نهاية الزمان

وطني الهرم والنيل
والحكاوي والمواويل
هواه يداوي العليل
مشهودله بالعرفان

المصري خير دليل
ورمانة الميزان
وارث جينات جدوده

واضع بصمة وجوده
مخطي ديما حدوده
موجود في كل مكان

وطني الوحدة الوطنيه
بلد المصريين
جمهوريه مصر العربيه
بلد الأمن والامان

ذهاب بلا عوده

الدموع علي الارض سالت
والصرخه طلعت مدويه
ومن الوجع قلوبنا شابت
مش متحملة الصدمه

ذهاب بلا عوده
ولا كانوا عارفين
الاتجاه اسكندريه
رايحين ومش راجعين

يا قطار العمر روح
المحطه علينا فاتت

والقضا خلاص سمح
والاجساد في القبر نامت

عيونا دموع قنطره

عيونا دموع قنطره

والحزن جوانا

مكتوب لنا ياتري

تفضل مصحباتنا

ولا في يوم هتسبنا

وتكون مفرقانه

ولا خلاص قدرنا

وديما ويانا

العله من الهوي

والموت هوه دوانا

ما غرك بنفسك

ما غرك بنفسك

ايها المتكبر

الم تري ضعفك

وانت الفقير العابر

ان لم تشهد خلقك

فانظر الي قوامك

من تكون

انت وغيرك

وشاهد ما حاولك

السماء والجبال

والليل والنهار

وتدبر في الكون

والارض من تحتك

وضعت ومهدت
يا انسان من اجلك
فلا تكفرن وارضي
لرب قد خلقك
ولدت وسترحل وحدك

وليلي طال

وليلي طال ملوش اخر
ودمعي في عيني بيعاند
وجرحي في قلبي بيعافر
وفكري تاهه ديما شارد

وارجع ثاني وم الاول
يتعاد العمر قدامي
ما بين ماضي بيتعل
وحاضر رافضه وجداني

بلا حيله ومسلم
وكأني سجين وسجاني
جوايا انسان بيتقسم
حياه وموت دا عنواني

يا خساره على الإنسان

ابتدا يصحي ضميرك

لما انتهت الحكايه

واما اتحدد مصيرك

انها خلاص النهايه

وانت بين الحياه والموت

ولا بأيديك اي حيله

والعمر اتقضي بيفوت

ولا شافعه اي وسيله

لما عرفت خلاص انك

مفيش شئ عاد فاضلك
غير شويه ساعات تتعد
والوقت مش كفايه

وياخساره ع الانسان
لما تغره الدنيا
ويديها الأمان
وتبيعه في ثانيه

وكان فاكر انه
مالك الكون بحاله
لكن غصب عنه
الاهل والمال مفارقه

يا دنيا فيكي العجب

يا دنيا فيكي العجب

فيكي الاصيل اتهان

حتي قليل الأدب

اصبح من الشجعان

.....

والي واخدينها فهلولة

وبيلعبوا ع الوشين

قالوا عنها مشطره

ولا حد قال من اين

.....

الدنيا حالها اتقلب

وبقينا مش عارفين

ضمايرنا صابها العطب

والصبح بقي اتنين

.....

في ناس متلونه

تلدغ كما الحيه

وناس تاكل الميتة

وتحلل النيه

.....

يا دنيا فيكي العجب

فيكي الميزان اختل

فيكي النور اتحجب

ماشين يدوب في الضل

فوق الجبين اتعصب

والصبر منا مل

يرحم زمان الأدب

العشية كانت فل

احنا اللي اصل السبب
والخير اللي خلاص قل

.....

اقول تاني ولا كفايه
اه يا دنيا وملياته
العجب العجاب
ومحدث فاهم حاجه
والنفوس بقت محتاجه
لا عاملين يوم للحساب
الصادق بقي كداب
والفرح ولي وغاب
وللريح لازم تطاطي
وابن الوصول اتعاب
والندل والواطي
بقوا من الأنساب

.....

يارب احفظنا وجمالها

بالستر من عندك

واخرجنا م الدنيا

بالعفو والرضا منك

بورما عليكى أمانه

آنت لك الكلمات
وصرخت م الاوجاع
وذادت في الالهات
من كتر الخداع
صوت القلم آنات
وحبره دم يدمع

تاه غريب و ضل
في بلاده وضاع
والصبر منه مل
ولاعمره كان بيع

استوطن السالب
ارض العرب خناس

وغصبه كان غالب
فوق الجميع وداس
كل العيون شايفه
وساكتة بدون احساس
الظلم لما استقوي
قطع رقاب الناس

بورما علينا امانة
والمشهود صعب يألم
رب العباب وصانا
المسلم لاخته المسلم
وهنسال عليها
والعدل فينا هيحكم
يوم القيامة
والميزان حساس

مبيقاش الدم ميه

مبتعلاش العين ع الحاجب

احنا منكم وانتوا منا

مع بعض نصفي ونتعاتب

.....

مندخلشى الشر بنا

لية نخلى الشك يكبر

ونقول كان غصب عنا

يبقى م الاول نفكر

..

اننا اهل وحبائب

مهما رحنا ومها جينا

اننا دايمًا قرايب

مهما توهنا من بعضينا

اكيد فى يوم هنرجع

والمسافة بنا تصغر

.....

نزرع الورد فى غطنا

نملئ كل الكون اغانى

ننزع الحقد من قلوبنا

نبتدى مع بعض تانى

....

تبقى والله الدنيا جنه

تحلى لينا لو صدقنا

كل شئ ممكن باديها

تتحقق كل الامانى

وحشني حزنك يا امه

وحشني حزنك يا امه

يا مفارقه ولا مفارقه

الدنيا بعدك ضلمه

والروح ليكي مشتاقه

.....

صورتك في كل مكان

صوتك نبع الحنان

حزنك الدفا والامان

وحشاني قوي يا غاليه

.....

من يوم ما سبتينا

الكون ضاق علينا

ومين هيجس بينا
كنتي الضمان واللمه

.....

كنتي البسمه وكنتي الضحكه
كنتي الفرحة والكلمه الحلوه
كنتي الحاسه وكنتي الفاهمه
كنتي الجامعه وكنتي الضمه
كنتي الواهبه وكنتي المانع
كنتي صاحبه وكنتي الحارسه
كنتي الشايفه وكنتي السامعه
كنتي النور وكنتي الشمعه
كنتي الصابره وكنتي الرحمه
كنتي الحاضره وديما باقيه
رمز الطيبه يا حبيب
عايشين بعدك يا ما في غربه

ولادة يا بلد الجهاد

ولادة يا بلد الجهاد

كل يوم فى اذدياد

شهيد وراء شهيد

مبارك ارض الاجداد

.....

اعلنوا راية العصيان

اشعلوا فيهم نيران

اسقطوهم كالجرزان

كونوا لهم كالمرصاد

.....

قدسنا ديما تنادى

انتم حصنى وسدادى

بالحجارة اذا رميتم

حماكم رب العباد

.....

ولادة بلد الابطال

كل لحظة بنضال

لا يئس مع الحياة

بل تحدى الاحتلال

.....

لم يهن شبرا عليكم

ما فرطتم ما ارضيتم

بل قوامتم بل دافعتم

وما تنسوش دم الشهيد

وما تنسوش دم الشهيد
اللى سال علشانكم
في يوم
اللى ضحى علشان بلاده
لاجل الغلبان
والمظلوم

.....

اللى قال كلمة لاء
في وش الظالم
بدون ما يخاف
اللى كان صوت الحق
واللى داق الزل وشاف

.....

اللي كان في كل مكان
في الحوارى وع النواسى
في الشوارع والميدان
اللي اتحدا رغم الشدا
ومكنشى جبان

رفع راية العصيان

.....

اللي كان بيحلم بعيده
اللي شال كفته بأيده
اللي حارس واللي فارس
الى وقف وسط الميدان
وقال تحيا مصر
ومات علشان يعيش غيرة

يا اما ما تبكيش

يا اما ما تبكيش

ان مت راح يعيش

غيرى هيكملوا المشاور

فى رجال ما يهبوش

حالفين مينموش

غير لما ياخدوا التار

,,,,,,,,,,,,,,,,,,,,,,,,,,,,,

حق ابنك وغيره

من القتلة الفجار

شهيد الحق والواجب

فى الجنة مع الابرار

وقتلهم ملعون من الله

وفى عذاب النار

.....

يا اما احضنى صورتى
ومتز عlish

ومهما العمر يعدى
متنسيش ...

تقولى لابنى وبنتى
ابوكم ما فرقنيش
ضحى علشانى وعلشانكم
وعلشان بلدنا تعيش

ابن مصر أصيل فلاح

مش محتاج ريش وجناح

مش محتاج يكون مداح

كل الحكاية انه ...

ابن مصر اصيل فلاح

.....

شايل فاسه على كتفه

رايح يزرع غيطة

وكل امله وهدفه

تنتج ارضه الافراح

.....

رامى تكالة ع الله

بجهد وكد وهمه

عركة نازل منه

مسك عبير فواح

.....

بينادي يقول يارب

بيدعي بأخلاص من القلب

يهون علي الصعب

وإيمانة جواة سلاح

.....

بيلملم محسولة بأيدة

وربه يبارك ويزيده

شقاة دا ومجهودة

وخلص هيجنيه ويرتاح

أشوف الدمع في عنيك

اشوف الدمع في عنيك

تبكي عنيه

واحس الوجع بيك

وكأنه فيه

ويلموني علي حبي ليك

ومش حاسين بيه

ومهما يكون كلامهم

ومهما يقولوا حسدنا

ميهمناش ملامهم

ملناش غير بعضنا

وحبنا انت وانا

عندنا بكل الدنيا

جرب تحس بغيرك

جرب يوم
تحس بغيرك
طعم الهموم
يكون مصيرك
حاول يمكن
ترضي بقليلك

.....

تبات من غير عشا
تحتاج مره الدوا

وحقه متلقيش
تنام من غير غطا
في عز الشتا
ميت بيحاول يعيش

.....

جرب تكون مكانه
تحس بزله وهوانه
ودمعه اللي ع خده
تشرب كاس مراره
يجي عليك زمانه
وحظك نفس حظه

حلم من حكايات

وتملي الحزن وياتنا
ولا يفارق ومره نهون
وهمومنا ساكنة جوانا
وملازمنا من اين ما نكون

وفاض الحمل ولا نميل
شائلنه تملي ع أكتافنا
ومهما كان بنتحمل
وبنداري ع جراحنا
ونتحدى الصعب ونكمل
مشوار العمر قدامنا
وطريق ماشينه م الأول

ودا نصيبنا وقدرنا

وبنعاند كتير اوقات

ونتحايل ع الفاضي

ولا بيرجع الي فات

ولا يعود تاني الماضي

ويعز علينا وبنبكي

وكتير مع نفسنا بنشكي

ونسرح في بكرا وبنبني

في خيالنا حلم من حكايات

طير مكسور

طير مكسور الجناح

مغلوب على امرة

لامرة كان مرتاح

وضاعت سنين عمرة

.....

قضى حياة جراح

ومش لاقى دواء لجراحة

مسكين حزين سواح

بيحلم ومات حلما

.....

بحنين وانين مداح

بيناجى وحدة ربة

ومين هيحس بية

ومين هيجمل همة

.....

غريب الدار دوار

فى بلاد الغربية

غريق وحيد محتار

بيدور على قشة

.....

نفسه فى يوم يختار

ويرسى على مرسى

ياترى اكتب عليه الترحال ؟

ولا هيموت بالمنفى

ولا هيعود لداره

لناسه ولاهله

ويلاقى انيس وحدته

ويفرح ولو مرة

محتوى الديوان

م	عنوان القصيدة	صفحة
1	بطاقة الكتاب	2
2	رؤية الناشر	3
3	الإهداء	4
4	أخيرا عرفت	5
5	أكبر وهم	7
6	آلام عشتها	11
7	انسحبت من حياتك	13
8	إياك	16
9	إيه اللي فكرك	18
10	بتوعد وتخلف	21
11	حبيبى .. أنت حبيبى	23

25	حياتك .. حر فيها	12
27	خافه أقول لك إني بحبك	13
29	خليك فاكر	14
31	فى لحظة ضعف	15
33	لما عنيه تيجى فى عنيك	16
35	ماترجعنيش	17
37	معاك كل الحنان	18
39	ماعرفش ليه	19
41	من بعد أمك وابوك	20
43	يا خساره إنى حبيتهم	21
45	الشعر مشاعر	22
47	فيه ناس	23
50	السعادة	24
52	انت سبب وجودى	25

54	حب الوطن عباده	26
57	ذهاب بلا عوده	27
59	عيونا دموع قنطره	28
60	ماغرك بنفسك	29
62	وليلي طال	30
64	يا خساره على الإنسان	31
67	يادنيا فيكى العجب	32
70	بورما عليكى أمانه	33
72	ما بيبقاش الدم ميه	34
74	وحشنى حضنك يامه	35
76	ولاده يابلد الجهاد	36
78	وما تنسوش دم الشهيد	37
80	يا مه ماتبكيش	38
82	ابن مصر أصيل فلاح	39

84	أشوف الدمع فى عينك	40
85	جرب تحس بغيرك	41
87	حلم من الحكايات	42
89	طير مكسور	43
91	محتوى الديوان	44
95	اصدارات دار النيل والفرات	45
99	ختام الديوان	46

إصدارات
دار النيل والفرات
للنشر والتوزيع 2017



م	عنوان الكتاب	إسم المبدع
1	ترتيل البوستات الصباحية لأنواع الحب ج. 3	ناجى عبد المنعم
2	ترتيل البوستات الصباحية لأنواع الحب ج. 4	ناجى عبد المنعم
3	العفريته الشقية (مسرحية)	ناجى عبد المنعم
4	المختصر المفيد فى سيرة أهل بيت الحبيب	د. عبد الحليم هندواى
5	فى حب الله وعشق الأوطان	د. عبد الحليم هندواى
6	ظمى لا زبد وعبر للأبد	د. عبد الحليم هندواى
7	أبو الطيب المصرى (ج. 1) نصوص	عبد الله الشوربجي
8	أبو الطيب المصرى (ج. 2) نصوص	عبد الله الشوربجي
9	أبو الطيب المصرى (ج. 3) نصوص	عبد الله الشوربجي
10	أبو الطيب المصرى (ج. 4) نصوص	عبد الله الشوربجي
11	أبو الطيب المصرى (ج. 5) نصوص	عبد الله الشوربجي

12	أنين الروح (أشعار)	جيهان عبد الرؤوف علوان
13	همسات (أشعار)	السيد صابر
14	أشجار الخوف (أشعار)	رضا ابو الغيط
15	الحلم بيكبر (أشعار)	رضا ابو الغيط
16	أشكرك (أشعار)	رضا ابو الغيط
17	أكفان الخوف (أشعار)	رضا ابو الغيط
18	تباشير الصباح (أشعار)	رضا ابو الغيط
19	وتر البكا (أشعار)	سمير موسى
20	مدمن ضرب (أشعار)	سمير موسى
21	يبعدوا أملاكى (أشعار)	علاء الدين على
22	مشاكسات إبداعية (أشعار)	أسماء فريد
23	عن التواصل الأدبي بين الشعوب (دراسات)	د. يسرى عبد الغنى
24	حميسة (مجموعة قصص قصيرة)	عبد المنعم شرف
25	نبضات أثنى بلا وطن (أشعار)	تهانى فؤاد
26	أميرى (أشعار)	أسماء فريد

27	جدلية التحول بين التمرد والانتماء	ناجى عبد المنعم
28	رباعيات	ناجى عبد المنعم
29	ترنيمة لأنواع الحب (ثلاثية مسرحية)	ناجى عبد المنعم
30	أبو جلمبو فى كوكب المرىء (مسرحية)	ناجى عبد المنعم
31	حاملة الورد (أشعار)	د. عبد الحليم هندواوى
32	إنكسار حرف (أشعار)	محمود هليل
33	محاكمة ميت (مسرحية)	ناجى عبد المنعم
34	حرفين وجع (أشعار)	منى الغريب
35	مين يسامح مين؟! (مسرحية)	سميرة محمودى
36	إهدى عليًا (سلسلة أغانى سميرة 2)	سميرة محمودى
37	ياريت نحبك (أشعار)	السيد محمد صابر
38	الدنيا حالها كده (مسرحية)	السيد محمد صابر
39	ترنيمة لأنواع الحب (ثلاثية مسرحية)	ناجى عبد المنعم
40	كان بيننا إيه (سلسلة أغانى سميرة 3)	سميرة محمودى
41	لا تذكرينى	سمير حماية
42	مسرح خيال الظل	سمير حماية

محمد الفلكي	أكبر وهم	43
محمد الفلكي	حب الوطن	44
محمد الفلكي	صمت المشاعر	45

سَعَدْتُ بِكُمْ جَدَا
وَأَرْجُو أَنْ أَكُونَ
قَدْ قَدِمْتُ لَكُمْ مَا يَحْتَرَمُ
عُقُولَكُمْ وَيَسْعِدُكُمْ

الشاعر

محمد عبد السلام محمد عطية
محمد الفلكي